

增補元明史略

四

柳田文庫

文庫11

D 291

4

10 15 20 25 30 35



增補元明史略卷之四

日本

讚岐

後藤世鈞

編次



明下

平安

藤原正臣

增補

光宗貞皇帝名常洛神宗長子

補位萬曆四十八年八月即位以今年為泰昌元年

○泰昌元年八月罷天下礦稅及監稅中官起用建言得

罪諸臣○贈故帥劉綎秩立廟祀之廢其後因遣使祭陣

亡諸將士○五星鬪東方頃之有白氣長竟天○有如日

者三並出尋乃滅○旌德人舒倬俊性至孝年十二見母

王氏病篤每泣禱祖羨應公墓所願以身代一夕倬俊中

瘞毒強之藥弗飲泣語母曰昨祖來告兒謂見死母病當

倬俊至孝

代母墓

愈王氏哭之慟倬俊張目熟視曰兒死事小有母在得善  
 事兒父而兒兄弟不至失怙兒無憾矣語畢遂瞑未幾  
 其母病果愈里人奇之題其墓曰代母墓蓋童年死孝古  
 未有者○丹陽蝗有蒲太王者善禱術獨一家不與禱蝗  
 集其田數畝立盡隣田不損一穎俱去○帝以邊數告急  
 乃令徐光啟督練京兵為內衛因發帑金百萬犒九邊○  
 詔起廢官皆抗言得罪降斥謫戍永錮沒身者復葉向高  
 輔○帝不豫服崔文昇李可灼藥不起遂崩時九月朔也  
 帝在位僅三旬選侍李氏移居于仁壽殿從御史楊漣等  
 之議也初鄭貴妃侍神宗疾留居乾清宮及帝崩位未  
 移懼帝以前福王事街已進珠玉及美姬八人  
 帝知選侍李氏最得帝寵因請立為皇后選侍亦為貴妃  
 求封皇太后帝力疾御門趣舉冊封禮禮部侍郎孫如游

三案之一

力爭事得寢時都下紛言貴妃使內侍崔文昇進藥帝  
 由此委頓群情疑駭外家王郭二戚晚適諸朝士皆  
 禁危急狀言鄭李交甚固包藏禍心於是給事中楊漣御  
 史左光斗昌言於朝與吏部尚書周嘉謨以大義責貴妃  
 兄子鄭養性趨貴妃移宮貴妃恐即移居慈寧二十一日  
 帝疾大漸召見閣臣方從哲等乾清宮命封選侍為皇貴  
 妃選侍趨皇長子出曰欲封皇后帝不應群臣愕然從哲命  
 鴻臚寺丞李可灼進藥可灼自云仙方所謂紅丸者也帝  
 服訖稱忠臣者再諸臣退可灼復進一丸明日帝崩選侍  
 與心腹閣魏進忠謀挾皇長子自重新群臣入臨為閣人所  
 撈楊漣厲聲責之得入臨如禮劉一燝誥皇長子所存群  
 閣不應一燝大言誰敢匿新天子者東宮伴讀王安入曰  
 選侍拖皇長子出連乃追及掖升輦至文華殿羣臣叩頭  
 呼萬歲擇日登極連與左光斗等言皇長子無嫡母生母  
 是議令選侍移宮爭數日選侍乃移居皇長子即位

三案之一

熹宗皇帝名由校光宗長子補賜太監魏進忠世廕封乳  
 母客氏為奉聖夫人進忠初為帝母王才人典膳因魏朝  
 以結王安與乳媪客氏私帝嗣位進忠客氏並有寵進忠

後改名忠賢補罷熊廷弼以表應泰經畧遼東廷弼有膽  
畧知兵然性剛好嫚罵物情不甚附為言者劾廷弼憤甚  
抗疏求罷朝議以應泰代之○天啟元年御史焦源溥等  
請誅崔文昇等不可補三月遼東經畧表應泰議三路出  
師復撫順未行奴兒哈赤入寇薄瀋陽總兵賀世賢等戰  
死城破應泰撤奉集威寧諸軍並力守遼陽引水注濠沿  
濠列火器滿洲兵掘城西開洩濠水分兵塞城東水口渡  
濠入城應泰佩劍印自縊御史張銓副使可廷魁等俱不  
屈死滿洲兵循海而南朝議遣使分道募兵前後糜帑數  
百萬然所募皆市井烏合臨陣先走甚者遁為盜奸民揭  
竿從之中原自此多事○四月宦者魏忠賢矯詔殺前大

魏忠賢  
忠賢

改氏  
亂

監王安初帝之立也王安與諸大臣同受顧命見忠賢侵  
權欲重懲之忠賢與客氏同謀殺安安既死而忠賢益無  
所憚矣忠賢闇文義乃取舊司禮監李永貞入備贊書李  
明道崔文昇等各司監局探帝意為奸凡宮嬪內侍與魏  
客不協者百計殺之帝性刻機巧親斧鋸椎鑿漆之  
事每引繩削墨忠賢輒奏事帝厭之  
諺曰朕已悉矣汝輩好為之忠賢因得擅威福○給客氏地以陵工成命叙錄魏  
忠賢御史王心一馬鳴起等先後糾之帝怒降調有差補  
時瀋陽遼陽失京師大震劉一燝曰使熊廷弼在當不至  
此帝乃召廷弼於家廷弼議廣寧用馬步兵列壘三岔河  
上天津登萊各置舟師三方並進遂命廷弼駐山海關經  
略軍務廣寧巡撫王化貞與廷弼議不合兵部尚書張鶴

曾補元月各卷之四

明奢崇  
叛

鳴力主化貞議凡廷弼所奏請輒從中沮格之廷弼憤甚  
至冬廣寧人傳敵兵且渡河兵部趣廷弼出關策應廷弼  
乃令諸將分守鎮武間陽西平而自出關駐右屯○九月  
四川永寧宣撫司奢崇明叛奢氏獮獮種也洪武中歸附  
命為宣撫世守其土數傳至崇明崇明與子寅有逆志招  
納亡命時以邊事急徵四方兵崇明以兵詣重慶巡撫徐  
可求汰其老弱餉復不繼遂據城叛蜀土震動崇明年校  
州遵義新都內江進圍成都布政使朱燾元周著等分門  
固守石砦女土司秦良玉發兵援成都圍遂解明年夏復  
慶重二年正月滿洲兵渡遼河攻西平堡先是王化貞上  
言臣願請兵六萬一舉蕩平熊廷弼以為不可廷臣與廷  
弼議合者御史江秉謙等數人餘皆右化貞張鶴鳴篤信

安邦  
叛

化貞請撤廷弼他用帝不從於是化貞盡發廣寧兵廷弼  
亦檄諸將來會遇敵兵於平陽橋鋒始交游擊孫得功遽  
走呼曰兵敗矣諸軍皆走總兵劉渠祁東忠副將劉徵戰  
死羅一貫自刎西平堡陷得功遂降廷弼師次閭陽驛聞  
敗還時廣寧城中訛言敵已薄城居民驚竄化貞莫知所  
為單騎西奔遇廷弼於太凌河化貞哭廷弼微笑曰六萬  
眾一舉蕩平竟如何化貞慚議守寧遠及前屯廷弼曰已  
晚惟護難民入關可耳乃以已所將五千人授化貞為殿  
盡焚積聚與諸將先後入關給事中侯震賜等請並逮二  
人以伸國法遂下獄論死鶴鳴亦罷歸○六月貴州水西  
土酋安邦彥叛邦彥陷方松林等圍普安南雲南  
都司李夫常帥兵救之遇伏全軍皆沒於

曾補元月各卷之四

是交水曲靖武定尋甸  
崇明之間駭然苦兵矣 ○修撰文震孟上言勤政講學之

實疏入忤魏忠賢帝怒謫歸○山東妖賊徐鴻孺倡亂深

州王好賢景州于弘志三方同起撫臣趙彥發兵捕之

孺鉅野人萬曆末以白蓮教惑眾數千人深州人王森  
嘗救一妖狐妖狐斷尾令藏之招人聞異者多歸附之

景州于弘志以教棒箒會惡少年好賢與其資以結客有異志

方同起鴻孺攻鉅野縣及鄆縣知縣余子翼逃又進陷鄆

縣縣遂踞二城巡撫趙彥發兵捕之賊不能支遂奔官

軍尾其後襲之連戰皆捷賊勢窮景州于弘志亦為官

兵斬餘賊披靡四散九月鴻孺遂降磔于市王好賢南走

至揚州就擒加趙彥發 補三年正月遣中官刺邊事帝好

察邊情常遣中官詣關門具事狀奏報名曰較事及魏忠

賢竊柄其黨劉朝等四十五人先後至山海關薊遼經畧

孫承宗疏言中使觀兵自古有戒帝不省 補五月四川總

督朱燮元會諸軍復遵義遂進克永寧降賊眾二萬奢崇

明父子窮蹙率餘眾投水西安邦彥與合兵復犯遵義官

軍敗之禽崇明妻及女弟蜀中遂靖未幾貴州巡撫王三

善為邦彥所襲死崇明勢復張 補七月客氏魏忠賢恐官

中人白其罪惡矯旨賜光宗選侍趙氏自盡幽裕妃張氏

別宮絕其飲食天雨妃匍匐承檐溜飲之而死皇后數泣

帝前刺客魏過失是年后有娠客氏以計墮之帝用此之

嗣又以帝郊祀日掩殺帝所寵馮貴人左右無敢言者范

慧妃以讒失寵李成妃為之乞憐客魏知之亦幽成妃別

宮妃豫儲食物簷瓦間半月不死斥為官人 補時東林勢

盛韓爌鄭三俊李邦華高攀龍並通顯楊連左光斗魏木

自南二月各案公一百

二五

中表化中等。激揚諷議。魏忠賢頗憚之。於外事不敢大肆。  
 魏忠賢每出車馬儀衛。僭擬乘輿。提督東廠。用許顯純。  
 為鎮撫司理刑。鍛鍊殘酷。士大夫多被戕死。○四年六月。  
 御史楊漣疏。奏魏忠賢二十四罪。忠賢亦有疏辭。疏先  
 下。備極溫諭。次日下漣疏。切責不少貸。諸臣公憤。繼漣上  
 疏者不下百餘人。帝溫旨。悉數忠賢勤勞。責羣臣附和。  
 五年正月。崔呈秀為御史。先是呈秀按淮陽。高攀龍發其  
 贓私。趙南星議戍之。呈秀窘夜走。魏忠賢所叩頭乞為養  
 子。涕泣言。南星攀龍輩皆東林邪黨。時忠賢為廷臣交攻。  
 思假事端。傾陷正士。得呈秀恨。相見晚。遂用為腹心。日與  
 計畫。復其官。越二歲。遂進兵部尚書兼左都御史。出入烜

上楊  
疏漣

赫勢傾朝野。陰排諸異已者。羣小並進。善類為一空。○六  
 月。下都給事楊漣。魏大中。僉都御史左光斗。中書舍人吳  
 懷賢等。於獄俱死。于獄中。御史惠世揚。夏之令。刑部侍郎  
 朱世守。大理寺丞楊一鵬。兵部侍郎劉策等。俱削籍。並以  
 論魏客也。○補八月。御史張訥請毀天下講學書院。力詆講  
 學諸臣。尚書孫慎行等數人。俱削籍。又列顧憲成已下數  
 人為東林奸黨。悉刊黨人名。示天下。○補六年正月。奴兒哈  
 赤入寇。圍寧遠城。參政袁崇煥集將士誓死守。盡焚城外  
 民居。攜守具入城。檄前屯及山海關。凡將士逃至者。悉斬。  
 人心始固。虜兵薄城。進攻城上。火器礮石。齊下。殊死戰。虜  
 兵退。明日再攻。遂不能克。奴兒哈赤起兵。已來戰無不捷。

曾甫元月各卷之四

攻無不克。惟寧遠城不下。不懌而歸。事聞。擢崇煥僉都御史。巡撫遼東。駐寧遠。○三月。水西苗老虎阿引等殺賊首奢寅來降。八月。奴兒哈赤殂于瀋陽城。奴兒哈赤共武有大略。騎射絕倫。統一諸國。及取瀋陽遼陽。將居于遼陽。貝勒諸臣俱請還國。奴兒哈赤曰。今克此城。天授我以遼陽也。且此地乃明及朝鮮蒙古接壤要害之區。宜居之。遂迎妻子居焉。明年更築城于遼陽之東五里。太子河邊。遷居之。名曰東京。居三年。復自東京遷於瀋陽。遂殂焉。壽六十八。是為清太祖。第八子皇太極即位。皇太極狀貌奇偉。勇力絕倫。奴兒哈赤曾委以家事。於是即位。改明年為天聰元年。大赦國中。十月。進魏忠賢爵上公。又建其生祠。

鄭芝龍  
見初

於西湖從浙江巡撫潘汝楨請也。詔賜祠額。勒石記功德。閣臣撰文書冊。有以入祠。不拜。刑籍論死者。○七年六月。海寇鄭芝龍犯閩中銅山等處。芝龍泉州南安縣石井人。字飛黃。小名一官。其大父紹祖為泉州太守。葉善繼。吏芝龍。方十歲。嘗戲投石子。誤中善繼額。擄治之。見其容貌秀麗。笑而釋之。居無何。落魄數歲。與其弟芝虎流。入海島。顏思齊黨中。為盜。思齊死。來盜推芝龍為魁。繼橫海上。官共莫能抗。朝議令葉善繼招撫之。芝龍感思歸命。及降。善繼坐。門令之。龍兄弟。沉首。芝龍素德善繼。屈意下之。而一軍皆譁。竟叛去。復踞海島。劫截商。補七月。滿洲兵圍錦州。總兵趙率教固守。巡撫袁崇煥遣精兵四千。繞出滿洲兵後。大戰。敗之。魏忠賢使其黨劾崇煥。不救。錦州崇煥乞休去。以王之臣代之。○八月。帝崩。無嗣。遺命以信王入繼大統。毅宗烈皇帝名由檢。熹宗之弟。初封信王。熹宗崩。入繼大



魏客  
伏誅

地補老則史冊卷之四

七

統○十一月誅魏忠賢客氏其黨相繼伏法法司追論忠賢等罪帝命磔忠賢屍戮客氏屍天下快之帝素怒忠賢

深自傲備廷臣交章劾忠賢大懼以重寶信却大監徐應元求解帝斥應元安置忠賢於鳳陽既行遣使逮之忠賢及其黨並伏誅籍其家○罷諸邊鎮守中官

崇禎元年正月禁士庶衣飾侈僭及婦女金冠袍帶等○

命內臣俱入直非受命不許出禁門○諭戒廷臣結交近

侍補四月以袁崇煥督師薊遼初崇煥以忤魏忠賢去至

是進兵部尚書督師薊遼○七月鄭芝龍降于福建巡撫

熊文燦補海盜多盜芝龍尤猖獗然有求撫意嘗敗官

李善遇芝龍先後擊殺大寇補寧遠諸營兵以缺餉大

諜縛巡撫總兵官等督師袁崇煥馳至撫定之時度支大

王亂嘉  
亂嘉  
起獻賊

稽權也

緹錦州薊鎮兵相繼譁戶部尚書畢自嚴言一歲之出浮

於所入一百一十三萬有奇而內供台買不與焉帝命廷

臣各陳所見自嚴擇其可者先後列上增鹽引議鼓鑄括

雜稅覈隱田增關課皆瑣屑權宜之計民以重困○陝西

饑流賊大起府谷民王嘉胤倡亂饑民附之白水盜王二

等亦合徒衆劫掠時承平久猝被兵人無固志延安人張

獻忠從嘉胤陰謀多賊中號八大王其部最強時稱獻賊

補安塞馬賊高迎祥亦起自稱闖王饑民王大梁等應之

補二年帝憂國用不足從給事中劉懋議裁驛站冗卒山

陝游民仰驛糶者無所得食皆後賊○四川總督朱燮元

討奢崇明安邦彥平之補變元檄雲南兵下烏撒四川兵

曾甫九月各卷之四

廣通大方貴州總兵許成一名由永寧復赤水邦彥與崇明合衆十餘萬來攻變元合成名伴退誘賊而遣兵三路搗其巢四川總兵侯良柱遇賊於永寧與成一名合擊大破之斬崇明邦彥俘數千人積年巨寇始靖 **補** 十一

月滿洲皇太極帥軍入寇入洪山口別將陷太安口會遵

化山海關總兵趙率教入援戰死全軍覆沒巡撫王元雅

與將士憑城拒守城破皆死之閱日京師始得報詔天下

勤主滿清兵自順義西薄都城尋陷良鄉迴軍至蘆溝

橋進逼永定門援軍總兵官滿桂戰沒京師大震 **補** 十二

月薊遼督師袁崇煥聞警入援所過諸城皆留兵守帝聞

其至喜甚令盡統援軍時所破隘口乃薊遼總理劉策所

轄都人驟遭兵怨謗紛起謂崇煥縱敵朝士因前通和議

誣其引敵脅和滿洲兵聞之乃設間謂與崇煥有成約語

世範註  
也  
轄都人

聞於帝帝信之遂執下詔獄 **補** 三年五月設曆局徵西洋

陪臣湯若望羅雅谷供事曆局 **補** 二年五月朔日食失

光啟言臺官測候本郭守敬元時嘗當食不食無怪今日之失雖守敬舊法本未盡善抑亦年遠數贏宜及時修治

徒之詔西洋人龍華民等推崇煥先啟為監督 **補** 滿洲兵已

陷遵化永平遷安灤州皆留兵防守至是東還分兵攻山

海關守將官惟賢力戰乃還攻撫寧昌黎京師道梗督師

孫承宗總兵官祖大壽在東馬世龍及四方援軍在西承

宗遣兵戍開平復建昌聲援始接滿洲兵遂棄永平出冷

口而還承宗始復四城 **補** 王嘉胤引陝西人入掠 陝西

入援多逃歸與譚而懼者皆合 盜神一元破寧塞據之

於賊嘉胤掠延安慶陽陷府谷 **補** 八月殺前督師尚書袁崇煥 **補** 十二月帝以兵食不足

曾甫七月各卷之四

起闖賊

欲增田賦命戶部協議尚書畢自嚴請畝加三釐於是增百六十五萬有奇合舊所增凡六百八十餘萬海內咨怨補四年四月副將曹文詔破賊于河曲先是王嘉胤久據河曲文詔絕其餉道困之嘉胤遁去為左右所殺其黨共推王自用為魁自用結羣賊高迎祥張獻忠等共三十六營眾二十餘萬聚山西補陝西米脂縣人李自成自延綏往依高迎祥號闖將自成一性狡黠善走能騎射與姪李過為暴于鄉懼罪逃入甘肅為兵以功陞把總殺王參將遂為賊○九月遣中官王應朝等監視諸邊軍餉命張彞憲總戶工二部補帝初盡撤鎮守中官委任大臣既見廷臣視關寧宣大山山西軍馬以張彞憲有心計令鈞校戶工二部吏部尚書閔洪學率廷臣力爭帝曰諸臣若殫心為國

朕亦何藉內也眾不能對中五年三月工部侍郎高弘官自是居權要相結為奸

圖上言內臣張彞憲奉總兩部之命辱朝廷褻國體言太切直不聽疏七上竟削籍禮部主事周鑣亦上言論內臣帝怒削籍補八月副將曹文詔與右光先等分勦宜君清澗米脂合水賊皆大捷文詔在陝大小數十戰功最多巡撫范復粹上功狀為兵部所格賞不行補九月賊將高迎祥羅汝才張獻忠等分道四出連陷大寧隰州澤州壽陽諸州縣全省震動部議令宣大總督張宗衡駐平陽巡撫許鼎臣駐汾州分地守禦已而李昇賀人龍艾萬年將關中兵至鼎臣檄以自從宗衡怒其不從已檄之還三將莫之適從賊乘間入據磨盤山出陷交城文水澤州遼州平

順。補六年二月。流賊犯畿南河北。總兵曹文詔等屢敗之。  
補七月。滿洲兵陷旅順。補十一月。賊盡集河北。屢為諸將  
所敗。乃詭辭乞降。監軍內臣楊朝進信之。為入奏。會天寒  
冰合。賊乃渡河而南。河南軍無扼之者。遂陷澠池。伊陽。盧  
氏。巡撫元默督軍禦之。賊由間道入內鄉。大掠南陽。汝寧。  
直走湖廣。賊始起陝西。高迎祥最強。李自成屬焉。及渡河。  
自成別為一軍。補七年正月。賊張獻忠等突漢南州縣。遂  
陷夔州。遠近皆震。○三月。山陝大饑。民相食。發金賑之。補  
四月。滿洲定官名。又改瀋陽為盛京。○六月。江西饑。連賊  
益多。進士陸運昌上撫字八條。帝可其奏。補賊犯鄖陽。商  
南。總督陳奇瑜檄陝西河南湖廣兵擊之。大破之。擒其魁數

人。張獻忠奔商洛。高迎祥李自成遁入興安。車箱峽。官軍  
圍之。賊大窘。以重寶賄奇瑜。左右及諸將偽請降。許之。縱  
遣賊出峽。即大諜屠所過七州縣。畧陽賊數萬亦來會。關  
中大震。補七月。滿洲皇太極伐察哈爾。旋師寇大同。宣府。  
攻陷城堡數十。京師戒嚴。竟陷萬全左衛。乃去。○八月。帝  
憂寇。詔發各鎮兵四萬五千。豫備賊衝突。凡十三營。補十  
一月。逮陳奇瑜下獄。以洪承疇代之。高迎祥張獻忠李自  
成等自陝西東出關。陷陳州。破汜水固志。大會於滎陽。遂  
陷潁州。知州尹夢鼈指揮李從師等皆戰死。賊每營數萬。  
因糧宿飽。人有副馬。官軍兵寡備多。饋餉不繼。且馬少。總  
兵左良玉在懷慶。與督師巡撫議不合。檄調不時。應帝命。

洪承疇出關急勦限六月平賊補八年正月賊陷鳳陽焚皇陵殺軍民留守朱國相等戰死是時賊之慘毒不可舉言至有縛人之夫與父而淫其妻女然後殺之或剖孕婦腹驗男女胎或以大鍋煮油擲孩子於內觀其跳躍為樂者補初洪承疇出關至信陽諸將畢會賊見河南兵盛六月分路奔還陝西張獻忠由英霍取道麻城入陝會高迎祥李自成於鳳翔副將艾萬年柳國鎮等戰歿總兵官曹文詔憤甚以三千人大戰斬首五百追北三十里賊伏數萬騎合圍文詔徒步轉鬪與遊擊平安等二十餘人皆死補八月以盧象昇進兵部侍郎總理山西陝西軍務以賊已蔓延半天下洪承疇一人不能顧也補九月洪承疇破

滿洲建國號大清

賊推自王黨李自成

賊於渭南補九年正月高迎祥等圍滁州盧象昇帥兵來援大戰於朱龍橋賊連營俱潰西入歸德分道犯南陽裕州象昇擊敗之賊精銳幾盡補四月滿洲建國號曰大清改元崇德補七月清兵入昌平連陷畿內州縣乃下詔徵諸鎮兵入援皆不敢戰八月清兵退去補孫傳庭代洪承疇為巡撫銳意滅賊與副將賀人龍等擊賊首高迎祥於盤屋擒之獻俘闕下磔死賊黨乃共推李自成為闖王補諭廷臣助餉未幾又括勦戚文武諸臣馬開銀鐵銅鉛諸礦補盧象昇擊賊屢有奇勝賊勢漸衰大學士溫體仁忌其功以王家楨代象昇家楨故庸才賊無所憚補十月工部侍郎劉宗周累疏陳時政語多激切為溫體仁所忌請

告去。至天津。聞京師被兵。留不行。上疏極言體仁。奸邪致刑政乖舛。及宦官不宜總軍務。凡數百言。帝怒斥為民。補十年正月。張獻忠等自襄陽順流東下。犯安慶。連營百里。詔左良玉馬嶺劉良佐合兵往援。大破賊。賊復出太湖。敗官軍於鄆家店。殺參將四十餘人。遂陷和州。劉良佐赴援。賊始遁。獻忠入湖廣。補二月。清兵攻朝鮮。克王京。圍國王李倅於南漢山城。已復破江華島。倅遂出降。補三月。以楊嗣昌為兵部尚書。嗣昌有口辨。帝以為能。所奏請無不從。議大舉平賊。分各省官軍為四正六隅。隨賊所向征討。因增兵十二萬。增餉二百八十萬。民大困怨。帝下詔。有暫累吾民。一年除此腹心大患。語時福建巡撫熊文燦太言。自

清降朝  
子解

說足辦賊。嗣昌薦之。命總理南京河南山陝川湖軍務。文燦大募餉。人及烏蠻善火器者以從。已見賊勢盛。連疏言招撫。帝譙讓嗣昌。乃條上用兵事宜。刻期明年二月平賊。然文燦終主撫。新增勦餉多資以撫賊。嗣昌陰主之。明年以滅賊踰期。請貶削。洪承疇等秩而置。文燦不罪。補十月。李自成窺蜀中。空虛。乘間陷寧羗。破七盤關。分三道入蜀。總兵官侯良忠禦之於綿州。戰死。遂連陷諸州縣。進逼成都。洪承疇等帥兵來援。自成乃由洮州入番地。官軍轉戰千里。不解甲者二十七晝夜。自成引殘卒竄入岷州。補十一年正月。裁南京冗官。補四月。副將孫應元等連敗賊於鄭州。賊謀犯江北。應元等扼其前。復連敗之。賊渠劉國能

馬士秀先後請熊文燦降張獻忠為左良王所敗亦乞降  
 良王知其詐請急擊之文燦不聽而受之補九月清兵分  
 路入墻子嶺青山口薊遼總督吳阿衡防之戰死監視中  
 官鄧希詔遁走復盧象昇督宣大山西兵入衛補十月盧  
 象昇至帝命與中官高起潛督援軍大學士楊嗣昌與起  
 潛主和象昇主戰議不合清兵分三路南下補李自成復  
 謀犯蜀馬科賀人龍拒之乃走漢中又為左光先所扼其  
 黨皆降惟自成東遁洪承疇設伏於潼關之南原大破之  
 自成妻女俱失從數騎遁高洛時關中賊略盡張獻忠已  
 降惟羅汝才等十餘部往來豫楚窺陝西亦以求撫給熊  
 文燦孫傳庭復敗之於閿鄉尋得文燦止兵傲快夕而還

本幾承疇傳庭皆入衛北行賊遂不可制補十二月清兵  
 已陷幾輔城數十前大學士高陽孫承宗死之轉戰至山  
 西總兵王樸引兵還鎮軍象昇引軍至鉅鹿高起潛擁關  
 寧兵在雞澤相距五十里象昇遣使乞援不應行至萬水  
 橋力戰死補十二年二月清兵北而至天津先是劉宇亮  
 自請督察軍情抵保定聞盧象昇敗懼甚急趨晉州不敢  
 戰清兵出青山口東歸帝逮治失守封疆諸臣三十六人  
 同日棄市補四月總兵左良玉敗賊於鎮平關補張獻忠  
 在穀城擁兵索餉日肆劫奪至是復叛毀穀城陷房縣左  
 良玉等追至羅猴山遇伏大敗時李自成亦出收餘眾往  
 依獻忠補八月詔逮熊文燦論死以左良玉有大將才拜

李自成洛陽  
王殺福陽

平賊將軍討賊張獻忠屢敗於興安求撫不許其黨多來  
降軍聲頗振補十三年二月左良玉大敗張獻忠於太平  
斬賊渠十六人補十四年正月張獻忠與羅汝才合敗官  
軍於夔州賊勢大張轉戰入蜀中越成都陷瀘州入巴州  
官軍追擊之於黃陵城賊密遣精卒行箐谷中乘高馳下  
左良玉軍先潰參將劉士傑等戰死賊遂席捲東出四川  
補李自成自鄖陽攻洛陽陷之殺福王常洵先是援兵過  
洛者喧言先帝困天下以肥王今王府金錢山積乃令吾  
輩搗腹死賊尚書呂維祺勸王散財餉士不從至是官軍  
引賊陷城維祺被執不屈死賊殺王與其血雜鹿肉以食  
曰福祿酒火王府散金以賑饑民補二月張獻忠偵襄陽

張獻忠襄陽  
王貴殺陽

無備自率輕騎一日夜馳三百里殺將吏奪軍符給入襄  
陽城夜半從中起縱火城陷賊縛襄王翊銘屬酒曰吾欲  
借王頭使嗣昌以陷潘伏法遂與貴陽王常法同遇害參  
議張克儉遊擊黎民安等死之初大學士楊嗣昌與左良  
玉督師討賊踵襲熊文燦故智王招撫賊勢益張不可收  
拾遂至喪兩親藩時嗣昌自蜀旋師至荊州沙市聞城陷  
二王殉難憂懼不食死補三月清兵圍錦州補五月帝召  
對廷臣語及福王泣下大學士范復粹曰此乃大數帝曰  
雖氣數亦賴人事挽回復粹不能對尋致任去補七月錦  
州圍久洪承疇調吳三桂等率兵十三萬進次松山皇太  
極自督戰大敗官軍吳三桂等夜遁軍士死者無算總兵



官曹變蛟走入松山與承疇堅守補八月張獻忠棄襄陽連陷樊城當陽諸州縣左良玉從南陽間道進兵大破之信陽降其眾數萬獻忠被重創東遁時羅汝才既合李自成自成踞河維有眾五十萬獻忠眾散且盡走依自成自成欲殺之羅汝才曰不如留之使擾漢南分官兵力乃給以五百騎俾遁去獻忠東馳入霍山補十一月李自成既破河南勢大盛移兵陷南陽殺唐王聿鎮總兵官猛如虎死之賊再攻開封補十五年二月松山圍久食盡督師范志完不能救城破巡撫邱民仰總兵官曹變蛟等死之洪承疇與總兵祖大樂皆降清寧遠關門勁卒盡喪錦州亦下補五月張獻忠復出攻舒城據之連陷廬州六安等諸

李自成  
殺王

中原  
禍亂

州縣南京大震補七月開封圍急帝命左良玉赴援良玉見賊盛一夕拔營走襄陽眾皆潰補九月巡撫高名衡議決河灌賊賊偵知之移營高阜驅難民數百決河河水自北門入貫東南門出廬舍人民蕩盡賊乃拔營西去時河南郡邑無不殘破朝廷不復設官遺黎多結寨自保或降賊或受朝命復互相吞併中原禍亂於是為極明年夏帝乃下詔蠲租赦罪已不可為矣補十一月清兵入薊州連陷畿南山東州縣時關內外並建二督又設六巡撫八總兵星羅碁置無地不防而事權反不一警報至急徵諸鎮入援而清兵已陷薊州今道南下河間以南多失守至山東魯王以派自殺補十六年正月李自成陷承天自成初

李自成 號自自 大倡奉 義帥

無遠圖所得城邑輒焚燬棄去及灌開封席捲河南群賊  
皆來附有衆百萬始侈然以為天下莫與爭思擅名號遂  
犯承天焚獻陵徇下旁近州縣自號奉天倡義大元帥稱  
羅汝才代天撫民德威大將軍自成尋襲殺汝才并其衆  
改襄陽曰襄京據之設官屬補五月張獻忠連陷蕪黃武  
昌執楚主華奎以復輿沈之西湖大殺楚宗及居人浮屍  
蔽江獻忠遂稱武昌曰京城設六部五府據之補八月清  
主皇太極殂壽五十二是為太宗其第九子福臨年甫六  
歲即位初其母妊時夢一神人抱一子授之曰此統一天  
下之主也母受置膝上其人忽不見既寤以語太宗太宗  
曰是異祥子孫大慶之兆也已生而神靈志量非常至是

李自成 稱自

即位改明年為順治元年叔父和碩睿親王多爾袞理國  
事稱攝政王補十月李自成破潼關遂陷西安延安諸郡  
分兵四掠所至風靡乃詣米脂祭墓改延安曰天保府屠  
鳳翔傳檄榆林參將劉廷傑與總兵尤世威王世欽等集  
衆城守血戰七晝夜婦人孺子皆發屋瓦擊賊城陷無一  
降者賊遂乘勝陷寧夏慶陽甘肅三邊俱沒補十七年正  
月朔大風霾陽城地震補李自成僭稱王于西安國號大  
順改元永昌補先是張獻忠自湖南入江西連陷吉安袁  
州建昌撫州諸郡自荊州趨蜀遂陷成都蜀中郡縣俱沒  
時中原多故諸將無暇西顧獻忠遂奄有四川未幾獻忠  
以病死於蜀中補二月李自成陷太原遣別將犯畿南陷

周吉守武關寧于賊死

真定帝下詔罪已發帑金五千治守具詔天下勤王左都御史李邦華請南遷及太子撫軍皆不報賊勢急復遣內臣高起潛杜勳等分監邊鎮及近畿要害補先是薊遼總督王永吉請移寧遠總兵吳三桂於關門選士卒策應京師學士陳演等持不可賊逼帝決計行之而軍不能猝至補總兵官周遇吉守武關李自成薄之遇吉發大礮殺賊萬人設伏城中誘賊入復殺數千人城毀復完者再自成悉力攻破之遇吉馬蹶被執罵賊死妻劉氏率婦女登屋射賊自成縱火焚之闔家皆死城中士民無降者自成謂衆曰此去歷木同陽和宣府居庸皆有重兵倘盡如寧武奈何不如且還俟再舉而大同宣府降表相繼至自成

京城陷

大喜遂長驅而東至居庸關補三月李建泰自保定疏請南遷帝召廷臣於平臺諭曰國君死社稷朕將焉往補李自成入居庸關陷昌平攻平則彰義等門城外三大營皆潰降火車巨礮蒺藜鹿角皆為賊有賊及礮攻城仰語守兵曰亟開門否則屠矣守者懼空礮向外不實鉛子徒以硝燄鳴之猶揮手示賊退乃發補李自成陷京城帝先殺公主次殺袁妃周后自經于坤寧宮帝登萬歲山自經補城陷帝登萬歲山望南城烽火徹天歎息曰苦我民耶遂分送太子定王永王於外城周二家劍擊公主皇后自盡翌日昧爽內城陷為鐘集百官無至若帝復登山書衣襟為詔曰朕涼德藐躬上于天咎然皆諸臣誤朕無面目見祖宗自去冠冕以髮覆面任賊分剝勿傷百姓一以帛縊於山亭太監王承恩後死自成擄呂衣乘鳥駝入承天門登皇極殿補據御座大索帝后期百官三日朝見朝廷制度任意更諸臣死節者數十人宮人魏氏等

官賊

三百餘人俱赴御河死賊後帝后以柳棺置東華門外

降賊

太子及定王永王於官中襄城伯李國棟請賊輩帝以天

之殉難

內臣殉難者惟王承恩一人已○殉難之臣范景文倪元

臣難

語守璫輩曰吾黨富貴自在也是夕太監曹化淳開門降

之殉難

略施邦曜凌義渠王家彥孟兆祥馮世奇劉理順吳麟徵

之殉難

周鳳翔汪偉吳甘米王章陳良謨陳純德趙讓巡許直成

之殉難

德金鉉千騰蛟姚成宋天顯李邦華勝之所阮文貴張應

之殉難

選張世禧李國楨劉文炳鞏永固張慶臻衛時春王國興

之殉難

李若珪高文采陳貞達毛維張劉忠嗣金毓峒李守鏢蔡

之殉難

懋德盛應時徐有聲李若葵輩數十人○四月遼東總兵

桂吳討

賊

平西伯吳三桂聞京師陷帝后殉難遂縞素發哀乞師于

清討賊先是三桂在子寧遠城及寇患急詔封三桂平

山海關先師于清李自成執三桂父襄作書招三桂

四萬兩遣散將唐通犒之別以賊兵二萬守遼三桂

其金印願一見東官而降而出不意盡行砍殺賊將

傷逃歸三桂致書絕父云兒以父蔭熟聞義訓得待罪

行日夜屬志冀得一當以酬聖眷側聞聖主屢駕臣民

辱不勝耻裂冠猶意吾父素負忠義大勢雖去猶當

擊誓不俱生何乃隱忍偷生訓以非義父既不能為忠

兒亦安為孝子乎自成怒即盡戮襄家口三十一餘人

清多爾袞總鐵騎數萬繞出三桂左右所向披靡自成

走三桂追北四十里補李自成駐兵永平吳三桂使人議和

並請太子自成命其將張若麒奉太子赴三桂軍中請各

止戰三桂允之既盟自成旋師三桂整軍而行移檄播告

遠近自成聞報驅百姓于崇文宣武門外毀折民房焚官

清爾入共賀  
多爾袞武殿朝

殿悉銳西行輜重無算補五月朔皇太子在吳三桂軍中傳諭京中官民各宜整肅靜俟士民大喜相慶三桂兵至榆河清多爾袞撤其西行追李自成三桂請發太子入都多爾袞不許三桂夜潛逸太子于民間蓋清人殺之追賊至保定賊還兵而鬪奮擊破之又追破之于定州自成屯真定防三桂又屢敗西走入山西三桂以兵逐之自成數戰不勝遂棄山西走西安三桂還軍京師清晉爵為平西王補初三日京城傳呼皇太子至百官迎候於朝陽門外駕至則清攝政王多爾袞也多爾袞入武英殿受朝賀問漢官何人最賢眾舉李明睿對命為禮部左侍郎明睿以病辭多爾袞曰爾朝皇帝尚未收斂明日即欲令京城官

清入于京已都  
主都燕下增

設鎮四

民等哭臨無神主以何哭臨無諡號何以題神主明睿聞言大慟多爾袞義之即命議諡於朝房諡帝為懷宗端皇帝周皇后為烈皇后萬姓哀號三日尋命造陵明睿經營相度不十日竣事多爾袞出示京城令官民除服剃頭衣冠悉遵清之制清主遂入都于燕京福王立於南京諡帝曰毅宗烈皇帝周皇后曰孝節皇后

帝由松福王常洵子神宗孫也崇禎十七年四月京師陷毅宗殉社稷時由松避賊舟次淮安南京府部科道等官會議推戴討賊遂立為帝○五月帝即位召兵部尚書史可法戶部尚書高弘圖鳳陽總督馬士英等入閣辦事其他進官有差可法請督師江北士英專國○設淮揚徐泗

鳳壽除和四鎮以劉澤清高傑劉良佐黃得功轄之傑舊賊將也通李自成妾邢氏挈之來降陝督孫傳庭令傑與白廣恩為前鋒二將各不相下遂潰傑由山西河北率兵南下大肆劫掠抵揚州揚人不納傑攻之史可法曲解之久之始移駐瓜州左良佐開鎮臨淮士民不服互訐得功薄廬又提兵與傑爭淮揚戰不勝以太僕少卿萬元吉監江北軍解之元吉貽得功書期共戮力王室得功自明無他欲聯絡各鎮鼓勇殺賊元吉以得功書馳示傑等始罷兵隸傑可法標下為前鋒總兵官○史可法馬士共各奏吳三桂殺賊功封三桂勳國公○清兵西伐李自成斬其將劉宗敏田見秀等賊眾大潰自成棄西安南走○加應

督催  
閩花  
金兩  
銀西

天巡撫左懋第兵部侍郎經理河北聯絡關東命僉都御史程世昌巡撫應天時山東河北多技偽官響應○馬士共奏薦欽案阮大鍼欽案者親忠賢逆案欽宗所定也賜冠帶陞見舉朝大駭高弘圖請下九卿會議曰大器詹兆恒等連疏糾不聽大鍼召對稱旨竟用為江防兵部侍郎○左都御史劉宗周御史李樸等疏論時事弊其辭痛切或為馬士共尼不得上或報聞而已○遣太監王肇基督催閩浙金花銀兩肇基原名坤即崇禎朝肆惡淮陽者也太學士高弘圖等諫止之○湖廣巡按御史黃澍同承天守備太監何志孔入朝求召對既入澍面糾馬士共奸貪不法淚與語下志孔復前佐澍言其無上諸事士共稱疾出直而以金幣

山降于東 清降于東 太妃 南自妃

餽福邸舊閹田成張執中等兩閹向帝曰主上非馬公不  
 得立茲逐馬公天下皆議主上背恩矣且馬公在閣諸事  
 不煩主上可以優閒自在馬公去誰復有念主上者帝嘿  
 然即賜諭留澍復連上十疏爭之帝屢諭澍赴楚乃去  
 ○六月清人傳檄至濟寧山東降于清李建泰謝陞馮銓  
 降皆為清內院大學士○時朝廷舉措失人賞罰乖章心  
 宸陳子龍等諫疏荐上俱不聽○八月太妃來自河南帝  
 諭戶工部限三日內搜括萬金以給賞賜太監諸朝進請  
 給工科錢糧約數十萬工部尚書何應端等苦點金無術  
 懇祈崇儉工科李清亦疏請節省不聽又詔選內員選宮  
 女間巷騷然科道李維樾等疏諫亦不聽○加翼戴恩史

行貢立納 例開助納

可法馬士共各進官有差○九月子北京殉難諸臣謚贈  
 官有差○淮楊屢請餉帝以東南餉額不滿五百萬江北  
 已給三百六十萬豈能以有限之財供無已之求命淮撫  
 田仰與劉澤清通融措辦時澤清大興土木造宅淮安無  
 意往北仰與其事仰故馬士共私人也士共請免府州縣  
 童生應試上戶納銀六兩中戶四兩下戶三兩得赴院試  
 又詔行納貢例廩生納銀三百兩增六百兩附七百兩又  
 立開納助工例武英殿中書納銀九百兩文華中書一千  
 五百兩內閣中書二千兩待詔三千兩拔貢一千兩推知  
 銜一千兩監紀職方萬千不等皆以助軍興也時為之語  
 曰中書隨地有都督滿街走監紀多如羊職方賤似狗廢  
 曾補元月各卷之四

清爾多  
致書法史

起千年塵拔貢一呈首掃盡江南錢填塞馬家口奉化布  
衣方翼明何光顯等抗疏請誅馬士共劉孔昭詔戮於市  
籍其家遠近為訟冤○十月命鑄弘光錢○清攝政王多  
爾袞致書史可法其略云比聞道路紛紛多謂金陵有自  
立主者夫君父之仇不共戴天春秋之義有賊不討則故  
君不得安葬新君不得即位所以防亂臣賊子法至嚴也  
闖賊李自成稱兵犯闕手毒君親中國臣民不聞加遺一  
矢平西親主吳三桂獨效包胥之哭朝廷感其忠義嚴整  
貔貅驅馳梟獍入京之日首崇懷宗帝后謚號卜葬山陵  
悉如典禮勛戚文臣咸在朝列恩典有加耕市不驚秋毫  
無犯方擬遣將西征戮力同心以報爾君父之仇彰我朝

廷之德豈意南川諸君子苟安且夕頓忘寔害予甚惑之  
夫國家之定燕都乃得之於闖賊而非得之於明朝也賊  
毀明朝之廟主辱及先王國家不憚征繕之勞悉索敵賊  
代為雪恥萬世闖賊但為明朝寇讎未嘗得罪於國家徒  
以薄海同仇伸大義今若擁稱尊號便是天有二日復為  
勅敵予將簡西征之銳卒轉旆東征且擬釋彼重誅命為  
前導夫以中華全力受制潢池而欲以江左一隅兼支大  
國勝負之數無待著龜諸君子果識時知命切念故主厚  
愛賢主宜勸令削號歸藩永綏福位朝廷當待以虞賓位  
在諸侯王上庶不負朝廷伸義討賊興滅繼絕之初心也  
昔宋人議論未定兵已渡河可為殷監取舍從違應早審



史可  
法答  
書

定兵行在即。可東可西南。國安危在此一舉。願諸君子同  
以討賊為心。無貪瞬息之榮。致令故國有無窮之禍。為亂  
臣賊子所笑。可法答書畧曰。我大行皇帝敬天法祖。勤政  
愛民。真堯舜之主也。以庸臣誤國。有三月十九日之事。法  
待罪南樞。救援無及。師次江上。凶信突來。地折天崩。川枯  
海竭。嗟呼人孰無君。雖肆法於市朝。以為泄者。戒奚足  
慰先帝於地下哉。爾時南中臣民哀慟踴泣。無不拊膺切  
齒。愿悉東南之甲。立剪凶仇。而二三老臣謂國破君亡。宗  
社為重。相與迎立。今上以繫中外人心。羣臣勸進。今上退  
然不自勝。迨臣民伏闕。屢請始進。位南都。遂命法視師。江  
北刻日西征。忽傳我大將軍吳三桂借兵貴國。破走逆成。

殿下入都。為我先帝后發喪成禮。掃清宮殿。撫輯羣黎。且  
免難髮之令。亦不忘本朝。此舉動也。振古鑠今。凡為大明  
臣子。無不長跪地而頂禮加額。今辱明諭。引春秋大義來  
相詰責。善哉推而言之。此又為列國君薨。世子應立。有賊  
未討。不忍死其君者之說耳。若夫天下共主。身殉社稷。青  
官皇子。慘變非常。而拘牽不即位之說。坐昧大一統之義。  
中原鼎沸。倉卒出師。將何以維繫人心。號召忠義。紫陽綱  
目。踵事春秋。其間特書莽移漢祚。光武中興。丕廢山陽。昭  
烈踐祚。懷愍亡國。晉元嗣基。徽欽蒙塵。宋高續統。是皆於  
國仇未報之日。亟正位號。綱自未嘗斥為自立。卒以正統  
與之本朝。傳世十六。正統相承。自治冠帶之屬。繼絕存亡。

仁恩遐被。貴國夙膺封號。載在盟府。殿下豈不聞乎。今痛心本朝之難。而驅除亂逆。可謂大義復著。春秋昔契丹和宋。多輸以金。繒回紇。助唐原不利土地。况貴國為念世好。兵以義動。萬代瞻仰。在此一舉。若夫手足膺難。并同秦越。規此幅員。為德不卒。是以義始。而以利終。貽賊人竊笑。貴國豈其然乎。今賊未伏。天誅捲土。西秦方圖報復。此不獨本朝不共戴天之仇。抑亦貴國除惡未盡之憂。伏惟堅同仇之誼。全始終之德。合師進討。問罪秦中。共梟逆成之頭。以洩敷天之恨。則貴國義聞千秋。本朝固惟力是視。從此兩國世通盟好。傳之不窮。不亦千載一時哉。若夫牛耳之盟。封本朝使臣久已。載道不日。抵燕奉盤盂。以從事矣。法

北望陵廟。無涕可揮。身陷大戮。罪應萬死。所以不即從先帝者。寔為社稷之故也。殿下伏賜垂鑒。○時災異疊見。又廟門告灾。帝深居禁中。惟渙幼女飲火酒。雜伶官演戲。為樂修興寧宮。建慈禧殿。大工繁費。宴樂賞賜。皆不以節。國用匱乏。搜括殆盡。馬士共濁亂國政。邊警日徧。而主不知。小人乘時射利。識者已知不堪。且夕矣。○十一月。史可法統兵抵白洋河。清兵入宿遷。可法救之。隨拔營去。○高傑抵徐州時。河南巡按陳潛夫告清發兵一徃山西。一徃徐州。一徃河南。豫主多鐸將從孟縣過河。傑與劉澤清書云。清發一王子領兵齊駐濟寧。開封上下北岸。俱是兵眾。問渡甚急。惟恐彼一越渡。則天塹失恃。長江迤北。盡為戰場。

高傑  
程維

時事到此令人應接不暇。惟有殫心竭力直前以報國恩而已。○馬士其疏稱清兵雖屯河北然賊勢尚張不無後慮。豈遂投鞭問渡乎。况強弱何常。赤壁三萬。淝水八千。一戰而江左以定。况國家全盛。兵力萬倍於前。廓清底定。慮諸臣刻厲之也。○清副將唐起龍其父唐虞時致書高傑勸其早斷。速降。有大者王。小者侯。不失如礪。世世茅土之語。傑不聽。身先士卒。沿河築牆。竭力備禦。時有徐州。連賊程維。孔斬。木編。筏引兵渡河。偽投傑降。傑誘斬之。收其衆。○清兵至夏鎮。別由濟寧南下。又從雒陽渡河。攻海州。圍邳州。史可法高傑劉澤清等各告急。不應。○十二月。都督陳洪範南還。先是洪範與左懋茅等至德州。清撫臣

方大猷示以攝政王令。有來使不必敬語。止許百人赴京。朝見懋茅欲先謁陵。後進見多爾袞不許。乃遙祭先帝。入京館鴻臚寺。內院剛林責懋茅等。以江南不應更立天子。懋茅不屈。洪範降懋茅請祭告諸陵。改葬先帝。皆不許。乃陳太牢於寺堂。哭祭之。遂放歸。至滄州。復遣兵追執懋茅等。北去。放洪範。至是歸。稱清兵萬分緊急。且夕南下。馬士其惡之。曰有四鎮在何處焉。○時賊窺突禹州。襄城等處。各鎮擁兵不進。惟高傑提兵二萬大敗之。副將劉鈺總兵劉洪起等斬獲最多。○除夕帝在興寧宮。色忽不怡。司禮韓贊周言新宮宜。懼帝曰梨園殊少佳者。贊周泣曰臣以陛下令節。或思皇考。或念先帝。乃作此想耶。○弘光元年。

吳上五  
言新事

正月戶科吳迺上言維新五事一曰信詔旨二曰拔人才  
 三曰儲邊才四曰伸國法五曰明言責疏入不省○高傑  
 防河疏請重兵駐歸德東西兼顧聯絡河南總兵許定國  
 以奠中原定國在睢州傑遣定國銀幣抵睢州定國與傑  
 有隙乃張宴享傑夜半伏兵起殺之親兵遇害者過半餘  
 衆潰還定國奔清○加監軍衛胤文兵部侍郎總督傑軍  
 史可法請以傑部將李本身為提督不允○黃得功復來  
 爭揚州帝諭大臣當先國事而後私憾得功向揚州致高  
 營兵將棄信東顧設虜渡河罪將誰任命史可法鎮撫之  
 得功回汛○二月禮部請上先帝太子諡曰獻愍皇太子  
 永主曰永悼主定主曰定哀主未幾鴻臚寺少卿高夢箕

高陽王之  
明詐  
冒先  
帝太子

密奏先帝太子在浙乃召至寓僧寺令內員迎入宮內員  
 歸報不寔傳文武官識認大學士王鐸給事中戴英詰問  
 之知其詐冒曰以寔告當救汝即跪請救命援以紙筆供  
 稱高陽人王之明係駙馬王昺侄孫家破南奔遇高夢箕  
 家人穆虎教以詐冒東宮帝流涕曰朕未有子東宮若真  
 即東宮矣明日戴英等具奏王之明偽假太子非推年所  
 能辨必有大奸挾為奇貨宜勅法司根究御史陳以瑞又  
 奏愚民觀聽易惑道路籍籍皆以諸臣有意傾先帝之血  
 胤帝諭將王之明好生護養勿驟加刑俟正告天下愚夫  
 愚婦皆已明然後申法越三日集文武百官舉監生員耆  
 老於午門外鞠之夢箕穆虎皆具服如之明言下之明刑

至童故  
氏妃

童氏  
庚死  
獄中

部獄而京師士民謬以太子為非偽也○又有故妃童氏  
自越其傑所至命付錦衣衛監候帝初為世子有妃李氏  
洛陽之變亡童氏本周府官人逃亂至蔚氏縣遇帝於旅  
邸相依生一子已六歲賊破京師帝南奔各不相顧太妃  
與妃各依人自治之南妃故在帝不召至是自來帝不悅  
馬士共言苟非至情所關誰敢與陛下稱敵體宜迎童氏  
歸內密諭河南撫按迎致皇子以慰臣民之望以清奸宄  
之心童氏在獄細書入宮月日相離情事呈覽帝棄太弗  
視尋命屈尚忠嚴刑酷拷童號呼詛罵遂庾死獄中○三  
月許定國引清兵入儀封李本身劉洪起馳斬定國先鋒  
劉道行清兵入考城尋破歸睢巡按御史凌駟死之清兵

增補前明史冊卷之四

左良  
玉乞  
誅馬  
士共

進逼江北直陷徐穎總兵李成棟南遁○四月寧南侯左  
良玉舉兵東下馳疏上言馬士共奸邪亂國政列其七人  
罪乞誅之又傳檄聲其罪中外翬然士共大懼京師戒嚴  
時左良玉兵由九江安慶至建德順流而下調黃得功劉  
良佐離汛遣劉孔昭阮大鍼等同禦之劉澤清亦托勤王  
率兵南行揚泗徐碭勢同鼎沸史可法連疏告警帝曰上  
游急則赴上游北兵急則赴北兵自是長策可法曰上游  
不過欲除君側之奸原不敢與君父為難若北兵一至宗  
社可虞不知輔臣何意朦蔽至此乃移書士共懇其選將  
添兵士共惟以左兵為慮不應○時帝惟以選淑女為急  
先是應天府選三名不中司禮監又選六名亦不中特遣

增補前明史冊卷之四

史可法戰死

內監田壯國往杭州選到陳氏王氏李氏三人進元暉殿  
 ○清兵已徇徐碭下毫泗乘勢渡淮如入無人之境帝召  
 對羣臣馬士英力請亟禦左良玉大理寺卿姚思孝工部  
 吳希哲等皆言淮揚最急應亟防禦帝諭士英左良玉雖  
 不該興兵以逼南京然看他本上意思原不曾反叛如今  
 還該守淮揚不可撤江防兵士英厲聲指諸臣對曰此皆  
 良玉死黨為遊說其言不可聽臣已調得功良佐等渡江  
 矣寧可君臣皆死於清不可死於左良玉手瞋目大呼有  
 異議者當斬帝嘿然諸臣咸為咋舌○清兵攻揚州史可  
 法禦之頗有斬獲攻益急血奏請救不報可法開門出戰  
 清兵破城入屠揚州可法死之兵部尚書張伯鯨被執不

帝出奔馬士英走浙

降身被數創自剄死妻楊氏媳郝氏從之○明日帝召羣  
 臣問遷都計禮部尚書錢謙益言不可馬士英請調黔兵  
 入衛辦走貴陽吳希哲等力諫乃止○召黔兵一千二百  
 名入城住鷄鳴山房○左良玉舉兵不數日病死子夢庚  
 東下至采石為黃得功等所敗尋聞清兵信急引還○五  
 月清兵既破揚州沿江問渡惟靖虜伯鄭鴻逵一旅守於  
 京口清兵編筏張燈向鎮江而別由老鶴河渡盡抵南岸  
 鄭兵揚帆東遁○初十日閉京師各城門晝晦大風猛雨  
 午後猶集梨園入內演戲帝與諸內臣禱坐酣飲二鼓出  
 奔五鼓馬士英奉太后召黔兵護衛走浙黎明內門不閉  
 官女襍走於是各官奔竄○忻城伯趙之龍閉各城門以

待清兵居民競殺城內外黔兵無有逸者○有監生趙某率市人百眾出王之明於獄擁入宮中登殿鳴鐘百官莫有至者王之明粘示皇城畧云先皇帝丕承大鼎惟茲臣庶同共甘苦胡天不祐慘罹奇禍凡有血氣裂眦痛心泣予小子今宜殉國思以君父大仇不共戴天皇祖基業汗血匪易忍垢匿避圖雪國恥幸文武先生迎立福藩予惟先帝之哀奔投南都寔欲哭陳大義不意巨奸障蔽至櫻桎梏予雖幽獄無日不痛絕也福王聞兵遠遁先為民望其如高皇帝之陵寢何泣予小子父老人民圍抱出獄擁入皇宮予身負重寃豈稱尊南面之日乎謹此布告在京勲舊文武先生士庶人等念此痛懷勿惜會議予當恭聽

帝囚於江寧縣

共抒皇猷勿以前日有不識予之嫌惜爾經綸之教也○帝駐太平府二十里外黃得功阮大鍼等來見欲入太平太平民不納往蕪湖總兵官黃賦卿遁登中軍翁之琪舟將往浙○清豫王多鐸已薄都城趙之龍同王之明出降多鐸入京劉孔昭劉澤清遁劉良佐降奉多鐸命追帝至蕪湖及之且巨黃得功得功不從良佐伏弩射中得功喉得功創甚拔劍自刎良佐挾帝去翁之琪投水死帝見多鐸於內守備府尋囚於江寧縣多鐸令兵畧定各屬張捷楊維垣等前後殉難者數十人○前遣使臣左懋第在北聞江南陷七日不食清攝政王多爾袞召見數之懋第不對惟請一死命雉髮堅不肯遂殺之題絕命詩有云峽壑

巢封歸路賒片雲南下意如何寸丹冷魄消難盡蕩作寒  
烟總不磨清豫王多鐸既定江浙挾帝及王之明歸北  
京閏六月唐王立于福州

帝聿釗太祖後也封南陽為唐王初以父歿失愛於祖兩  
叔謀奪嫡未得請名及祖端王薨守道陳奇瑜知府王之  
柱為之請嗣後以統兵勤王擅離南陽銅高墻會赦出性  
率直喜詩書手草傳檄五月清兵渡江南都弗守總兵官  
鄭鴻逵鄭彩撤師回閩會唐王從河南來奉之俱南至福  
州與福建巡撫張肯堂巡按御史吳春枝禮部尚書黃道  
周南安伯鄭芝龍等共會議立之為監國王鴻逵請正位  
不然無以壓衆心而杜後起芝龍意別有在固諍以為不

閩于貴鄭  
七振氏

可不數日即定議即帝位改福州為天興府○六月封鄭  
芝龍為平虜侯鄭鴻逵定虜侯其他進官有差於是數求  
耆碩招選賢才閣臣至三十餘人然俱間無事不令票旨  
皆帝親為之○時内外文武濟々然兵餉戰守機宜專諉  
鄭芝龍為政芝龍幼習海知海情凡海盜皆故盟或出門  
下自就撫後海船不得鄭氏令旗不能往來每一船例入  
三千金歲入千萬計芝龍以此富敵國自築城於安平鎮  
艦舳直通卧内其守城兵自給餉不取於官旗幟鮮明戈  
甲堅利凡賊遁入海者檄付芝龍取之如寄以故鄭氏貴  
振于七閩芝龍有弟芝虎勇冠軍昔征劉香沒於海次鴻  
逵次芝豹俱為侯伯一門聲勢烜赫東南芝龍有子森芝

自補心月各卷之四



鄭初見

寵初落魄去之日本娶倭婦生森數歲芝龍歸福建就撫以收劉香功遷都督于是森在倭已七歲矣芝龍屢請得之森風儀整秀倣儻有大志每東向而望其母常為李父芝豹所窘叔父鴻遠獨偉視焉讀書穎敏不治章句先輩王觀光一見謂其父曰是兒英物非而所及也十五補弟子員至是年二十三陛見帝奇之撫其背曰惜無一女配卿卿當盡忠吾家無相忘也賜姓朱改名成功封御營中軍都督賜尚方劍儀同駙馬自是中外稱國姓是年日本送歸其母○李自成南走到辰州清兵進攻之自成營羅公山倚險築塹為久屯計勢彌盛食盡逃者益衆自成自將輕騎抄掠清人設伏邀之殺傷幾盡自成以數十騎突

賜森姓名功  
鄭國改

李自成死

走村落中求食邨民共擊殺之任李過僅奪其屍滅一邨而還以袞冕葬之羅公山下賊諸將奉李過為首渡湖入險山中羣盜俱散亡○八月粵西有靖江王者稱監國帝詔至不服舉兵將東廣西巡撫瞿式耜令總制丁魁楚為備戰大敗之擒靖江王及其黨械至福州俱斬於市○先是清兵入浙潞王以城降蘓松巡撫祁彪佳左都御史劉宗周等死之原任太學士高弘圖流寓紹興城外逃至野寺不食死○時馬士英率所部奉弘光帝母妃至紹興紹人士猶未知弘光帝所在原任九江僉事王思任上疏請斬士英○原任山西僉事鄭之尹子鄭遵謙與張國維方逢年等迎立魯王於台朱大典亦遣孫班上表勸進魯王

監國紹興國維首疏參馬士英悞國十大罪士英懼不敢入朝時逢年國維等俱為大學士遵謙封義興伯國維督師江上賜尚方劍行事命御史陳潛夫監各藩鎮兵馬復富陽于潛等兵馬雲集會閩中頒詔至諸求富貴者爭欲應之監國下令返台士民惶惶國維星馳上疏於帝謂國當大變凡為高皇帝子孫臣庶所當同心併力成功之后入關者王監國退居藩服禮誼昭然且監國當人心奔散之日鳩集為勞一日南拜正朔鞭長不及猝然有變唇亡齒寒悔莫可追臣老臣也豈若朝秦暮楚之客哉疏出議始定而浙閩成水火○鄭芝龍開府於福州坐見九卿權勢振于朝宰相半出門下集廷臣議戰守兵自仙霞關而

外宜守者一百七十處每處守兵多寡不等給餉不足芝龍令撫按以下皆捐俸助餉又借徵次年錢糧又大需官爵於是娼優屬隸盡列冠裳然猶苦餉不足所招關門兵不過疲癯數百人耳時廷臣請出關者車滿公車帝亦欲躬履行間而芝龍日以缺餉為辭○隆武元年正月鄭芝龍日與文官忤然帝心知芝龍不可恃卒無以制之芝龍亦以不出關無以壓衆心乃令兵為二聲言萬人實不滿千人令鄭鴻逵鄭彩出浙東江西帝倣淮陰故事築壇郊拜而送之既出關疏稱餉缺駐不行詔書切責不得已踰關行四五百里而還○黃道周請募兵江西江西多其子弟願俱效死軍前鄭芝龍不與一錢帝給空劄百函為行

封朱成功忠伯

資而已。道周以劄歸。召門下得百人居。言安。出兵徽州。為清兵所擒。械送江寧。道周絕粒不食。積十四日不死。清內院洪承疇惜其才。疏救。清主不允。尋駢斬於市。○蔣德璟自請行。關察情形。相機督戰。帝許之。比至。則疲兵弱卒。朽甲鈍戈。一無可為。德璟告病去。而戶部尚書李長倩以餉不繼。憂死。泉州知府鄒式金見事不可為。予告去。○吏部郎中趙五成與尚書張肯堂同籍江南。疏言。臣等生長海濱。請以水師千人從海道直抵君山。襲取金陵。以迎陛下。計陛下陸行期。同會於金陵。帝大喜。亟催鄭芝龍造艘。芝龍笑諾。事不果。○封朱成功忠孝伯。成功一日見帝。愁坐泣奏。曰。陛下鬱久。不樂得無以臣父有異志耶。臣受國厚

鄭芝龍通

恩。義無反顧。臣必死。陛下矣。○二月。帝決意親征。駐建寧。帝意欲徃。江右猶豫未定。而鄭芝龍固請回省。省中人數萬呼擁。謂絕天下望。因駐蹕劔津。當是時。兵羸餉絕。當事無談及兵事者。舉朝如夢如醉。不待識者。而知其敗壞矣。○清江南招撫使洪承疇。福建招撫使黃杰。亂皆晉江人。與鄭芝龍同里。芝龍密遣使微行通款。而疏稱海寇狎。至今三關餉取之。臣臣取之海。無海則無家。非過征不可。拜表。即行中使手勅云。先生稍遲。朕與先生同行。及之河。則飛帆過。延平矣。芝龍既去。守關將施福盡撤兵。還安平。聲言缺餉。○三月。清兵驅船開堰入江。監國魯王防之。張國維命王之仁統水師。從江心襲戰。是日東南風大起。之

仁揚帆奮擊之國維督諸軍渡江會帝使陸清源齎詔至江犒師馬士英峻方國安斬之且出檄文數帝之過國維曰禍在此矣○四月杭州固守堅不可克監國議抽兵屬張國維西征命禮部尚書余煌督師江上○五月清貝勒王屯兵北岸用大砲擊南營碎其中厨鍋灶方國安曰此天奪吾食也更念帝曾以手勅相招入閩必大用即不支便道可退入滇黔夜遂拔營走至紹興陳兵劫監國南行江上諸師聞報俱潰鄭遵謙携貲入海惟王之仁一軍尚在將由江入海張國維與之仁議抽兵五千分守各營之仁泣曰壞天下事者非他人方荆國也清兵數十萬屯北岸倏然而渡孤軍何以迎敵之仁有船可入海公兵無船

清江兵渡

速當自為計國維乃振旅追扈監國余煌大張殊示盡啟九門放兵民出走畢正衣冠赴水死○六月清兵渡江方國安馬士英計獻監國降清乃遣人守監國守者忽病監國得脫登海舶傳命張國維過防四邑遂過東陽○清兵破義烏至七里寺張國維具衣冠南向再拜曰臣力竭矣作絕命詩三章從容赴圍池死王之仁載其妻妾並兩子婦幼女諸孫盡沈於蛟門下獨至松江見內院洪承疇自請就戮西市兵部侍郎陳函輝王思任等十四人殉難馬士英阮大鍼等猶擁殘兵數請入關帝以其罪大不許士英遁至台州山寺為僧隨為清將搜獲阮大鍼迎降方逢年方國安等剃髮俱降○八月帝自鄭芝龍去後乃定計

貝勒斬及於市

幸贛州抵順昌聞清兵已及劔津且踵至倉皇騎而奔從行者止何吾騶郭維經朱繼祚黃鳴俊數人已而何與郭亦散去帝將入贛州因停一日曝龍鳳衣清兵至擒帝后及從駕朱繼祚黃鳴俊械至福州貝勒斬帝及后於市繼祚為亂兵所殺鳴俊許授五品官以老疾辭○先是清兵至順昌搜龍扛得馬士英阮大鍼方國安父子方遊山連名請駕出關為內應疏在已降後大鍼遊山自投崖死仍戮尸士英等四人駢斬延平城下家眷百餘口悉給賜兵丁○九月清別遣李成棟韓固山畧興泉汀邵漳州等處皆陷之太學士蔣德璟絕食死之初清兵未至泉州鄭芝豹先至閉城門大索薦紳富民餉不應即梟之至縛親家

清勒書鄭龍以招芝

母於庭抵暮得數萬金俄而韓固山兵至芝豹奔安平朱成功母不去死之○十月鄭芝龍保安平軍容煇赫戰艦齊備以前遣洪黃之信未通猶豫未敢迎師又自恃先撤關兵無一矢相加有大功於清而兩廣素屬部下若招兩廣以自效聞廣總督可得猶南面王也貝勒合泉紳郭必昌與芝龍最厚者招之芝龍曰我非不忠於清恐以立王為罪耳會韓固山兵逼安平芝龍怒曰既招我何相逼也貝勒聞乃退固山離安平三十里而軍以書招之其略曰吾所以重將軍者以將軍能立唐藩也人臣事主苟有可為必竭其力力盡不勝天則投明而事乘時建不世之功此豪傑事也若將軍不輔立吾何用將軍哉且兩粵未平

鄭芝龍降清

鄭成功率成入海

今鑄閩粵總督印以相待吾所以欲將軍來見者欲高地  
 方人才故也芝龍得書大喜其子弟皆勸芝龍入海魚不  
 可脫於淵不願降成功泣諫曰父教子忠不聞以貳且北  
 虜何信之有芝龍曰喪亂之天一彼一此誰能常之若幼  
 惡識人事遂進降表至福州見勒握手甚歡折矢為誓命  
 酒飲三日夜半忽拔營起遂挾之而北矣從者五百人皆  
 別營不得見亦不許通家信芝龍謂見勒曰北上面君乃  
 龍本愿但子弟多不肖今擁兵海上倘有不測奈何見勒  
 曰此與爾無與亦非吾所慮芝龍既行朱成功乃率所部  
 入海芝龍嘆曰成功不來清朝其道敝乎使君憂者必此  
 子也成功雖遇主列爵實未嘗一日與兵柄意氣狀頗猶

儒生也迺悲歌慷慨携所著儒巾襤衫赴文廟焚之拜先  
 師曰昔為孺子今為孤臣向背去留各有作用謹謝儒服  
 高揖而去與所善陳輝張進施琅施顯陳霸洪旭等願從  
 者九十餘人乘二巨艦去收兵南澳得數千人文移稱忠  
 孝伯招討大將軍罪臣國姓鄭彩鄭鴻遠亦率所部入海  
 張肯堂沈猶龍等亦往舟山依魯王○福建既陷十月  
 永明王立于肇慶

帝由榔桂王之子為神宗嫡孫初封衡陽以寇亂徙寓梧  
 會桂王已薨永明在衰經中先是福州既失兩廣總督丁  
 魁楚與廣西巡撫瞿式耜會議監國兵部尚書呂本器等  
 自閩至共謀立之以肇慶府署為行官推置僚署有差魁

楚大器俱為太學士。○十一月福建舊相蘇觀生等遁回廣東與布政使顧元鏡擁立隆武帝弟唐王聿錫監國年號紹武會贛州敗書至司禮太監王坤趣駕移梧避之瞿式耜謂今日之立為祖宗雪仇耻正宜奮大勇以踰遠近苟自懦外棄門戶內募蕭牆國何以立爭之不得遂移梧州尋還肇慶乃遣兵科給事彭燿往廣州諭之譬曉倫序監國前後國家仇讐利害觀生等殺燿於市日集兵向肇慶○十二月清總兵李成棟陷廣州擒唐王并周王益王遼主等盡斬之誅蘓觀生遂發兵往南韶而親下肇慶瞿式耜聞報請視師督戰士駐峽口王坤復請西避之式耜爭之不聽遂駕小艇上西峽○永曆元年正月朔駕至梧

州時丁魁楚從梧西走岑溪王化澄走潯州隨行者止瞿式耜下人耳○李成棟攻陷肇慶隨發副將楊文甫張月領兵攻高雷廉三部乃一鼓而入梧州廣西巡撫曹燁出降○二月帝抵桂林瞿式耜肅殿陛勅守禦誕告楚蜀各鎮○朱成功投師歸自南澳舊衆稍集泊鼓浪嶼與鄭彩鄭聯所踞廈門浯洲隔帶水廈門者中左所也浯洲者金門也隸同安為兩島數出兵沿海郡邑大震○丁魁楚在岑溪屯兵千餘清人招之不降清人乃水陸設伏大戰丁兵敗魁楚中箭死濕江平樂及高雷廉三府俱降于清○三月清兵渡海陷瓊州警報疊至王坤又趣駕往楚瞿式耜上疏爭之言勝敗存亡山川要害甚激切不聽仍請無

瞿式耜與焦璉孤危守城

已身留桂乃命式耜留守桂林各路悉東節制式耜又請暫駐駕於全州以扼楚粵之中○四月清兵薄桂林衝入文昌門城中大恐時焦璉自全州歸從數人控弦投刀與清兵接戰稍却之清兵屯陽朔式耜與璉危城孤守疏詣全州徵安國公劉承胤兵承胤發兵數千援桂未幾承胤甚橫脅劫帝幸武崗式耜疏留全陽議不合承胤諸部挾餉不出兵與璉兵主客不和譁變擊闕掠市而去帝竟駐武崗○五月清兵偵兵變積兩城環攻桂城吏士皆無人色焦璉負創奮臂大呼督師分門嬰守用西洋銃擊中馬騎尋出城戰奮勇擊殺自辰抵午不及餐瞿式耜括署中米蒸飯分哺之士卒俱樂用命明日復出戰清兵旋太

式耜先令路將馬之驥伏於隔江犄角接應固圍倍慎三月之內危於清亂於兵式耜下手指揮底定璉久將桂得桂人心式耜國士遇之故獨得璉死力○瞿式耜上疏請返蹕全陽不聽乃督焦璉復柳潯及梧州具疏上言粵西全定請還桂林時清兵陷長沙而衡州相繼失武崗復敗帝播越入粵次柳州式耜屢疏極言不可他移一步柳州徭獠襍處地瘠民貧不可久駐時會士司覃鳴珂與道臣龍文明構兵帝復次象州式耜與督師何騰蛟等籌畫刻期出師全州戰勝諸帥連營而軍清兵因次楚○十一月帝自象州抵桂瞿式耜與嚴起恒並相○二年二月何騰蛟督師出全兵不睦焦璉下平樂郝永忠壁興安未幾永



忠管被襲至闕欲撤兵左右禁近刻期欲帝遷式耜持不可言督師警報未至二百里外風塵而遽使主露所耶播遷無寧日國勢愈弱兵氣愈難振民心皇皇復何依哉左右禁近周章不能止夜半駕已行矣潰兵肆掠蹂躪公署職官無一得免式耜被逼登舟至於漳水港刑部侍郎遠生給事中丁時魁等俱至式耜集遠生等入民屋立草檄分路四發暫駐陽朔催璉兵上援督師騰蛟自永寧至璉自平樂統兵至式耜復入桂署○三月清兵疑桂城空虚直抵桂北門何騰蛟督兵三面禦之清兵渡甘棠去○帝駐南寧詔旌瞿式耜賜銀幣又賜精忠貫日金圖書一枚式耜念南寧蠻鄉不可久駐日為帝清道督勳鎮將士直

取全州○四月皇子生冊為太子赦天下詔曰萬喜瞿式耜念無講官經筵不御石室塵封何由聞得失手書八箴於扇進之○五月督師何騰蛟復全陽○六月清總兵粵東李成棟歸順吳疏迎駕又江右金聲桓據南昌遣使奏降疏兩粵稱全土瞿式耜疏請往桂帝竟由梧州入肇慶○三年正月清兵破湘潭何騰蛟死之信豐南昌相繼敗李成棟金聲桓皆歿於陣帝設壇掛帛拭涕親祭專命瞿式耜留守督師○三月朱成功募兵于銅山攻漳浦屯分水關○四月清遣使貽書招瞿式耜式耜不從○七月帝遣使至島封朱成功為延平公○四年正月南雄不守韶州亦陷帝震恐戒舟西上瞿式耜疏留之不聽遂移德慶

朱成功 鄭聯

抵梧州。○六月朱成功入潮州。先是鄭鴻逵踞潮之揭陽。邀成功入揭陽。時兩島為鄭彩鄭聯所踞。其將章雲飛恣肆不道。成功密與諸部計曰：兩島吾家。卧榻之側豈容人鼾睡。迺嚴部勒。自揭陽揚帆抵廈門。聯不虞。乃出見。交拜極歡。成功笑曰：兄能以一軍見假乎。聯未對。諸執銳者前矣。唯唯。惟命。諸軍驚伏。莫敢動。成功已并聯軍。威稜日懾。海上軍皆屬焉。可四萬餘人。彩率所部南遁。○十一月清兵薄全州。入嚴門。守兵不戰。四潰。城中大亂。沿道駭掠。瞿式耜令戢不得衣冠。危座署中。適總督張同敞自靈川回。遇式耜曰：事迫矣。公將奈何。式耜曰：封疆之臣。知有封疆。封疆既失。身將安往。同敞曰：公言是矣。故當共之。遂笑與

瞿式耜 絕命詩

式耜飲。家人泣請出危城。召諸勳。再圖恢復。式耜揮太不從。厥明被執。見清定南王孔有德。式耜以死自誓。不復一言。孔有德命幽式耜同敞於別所。式耜賦詩曰：與同敞慶和。遂遇害。其絕命詩云：從容待死。與城亡。千古忠臣自主張。三百年来恩澤久。頭絲猶帶滿天香。○帝復去。上南寧。入土虜。嚴起恒。王化澄等皆隨去。○十二月清兵陷廣州。鎮帥江寧伯杜永和奔瓊州。○五年正月朱成功謀接杜永和。率眾而南。二月舟次平海衛。是時清將馬得功偵兩島無守。備攻廈門。陷之。鴻逵棄揭陽。四島攻圍得功。得功欲退。不得。謂鴻逵曰：公等眷皆在安平。朕得功不出。恐不利。公家鴻逵患之。乃逸得功。四月成功至。自平海得功去。

兩日矣。成功大悔恨。按失律罪殺鄭芝莞。芝莞成功從叔守島者也。諸將懼慄。兵勢復振。鴻逵泊白沙築寨。以居五月。成功攻南溪。敗之。十二月。攻漳浦及海澱。清守將楊世德陳克策郝文興等皆降。○六年二月。朱成功攻長泰。清副將王進與中提督甘輝遇于北溪。二人俱雄健。聞于軍。久念決雌雄。廼奮槌。傳夫以兩馬相當。輝堪進則隱之。進擊輝亦落之。自巳向午。縱橫跌宕。既而兩家兵至。于是廼解。進入長泰。輝日夜攻克之。進與數十騎出走。郡城漳浦屬邑俱下。○五月。清總兵馬逢知來援。突入郡城。朱成功圍之不下。城中食盡。人相食。枕藉死者七十餘萬人。十月。清援兵大至。乃解圍去。成功久頓堅城。師老糧匱。乃收兵。

朱成功防海  
清兵激

保海澱。○帝在安隆所封李定國為西寧王。破清定南王孔有德于桂林。敬謹王尼堪于衡州。○七年五月。清兵攻海澱。城壞百餘丈。朱成功親立雉堞。督眾堵禦。左右死者層積。成功與諸將飲。敵樓矢礮雨下。指揮自若。大呼曰。天尚贊我。無落吾事。須臾下息。礮碎其座。一夕忽空砲遍發。成功謂諸將曰。賊將臨城。勒兵持斧以待。清兵渡濠入郭。大呼登城。眾舉斧砍之。清兵死傷填濠。大敗。宵遁。澱守益堅。○八年五月。清遣使招朱成功。為海澱公。成功不從。數出兵。縱橫福興泉漳等郡。十月。清復遣使招之。成功不從。清王怒。寘鄭芝龍于高俎。成功不顧。十二月。攻漳州。清守將劉國軒朴世用等降。屬縣十邑俱下。乘勝畧泉州屬邑。

成功軍律明肅無所淫略分所部為七十二鎮合六官分  
理庶事改中左所為思明州以鄧會知州事奉監國魯王  
盧溪王寧靖王居金門凡諸宗室厚給贍之禮待避陸薦  
紳王忠孝等軍國大事時以諮之凡所便宜封拜輒朝服  
北向誓首望行在疏而焚之○九年朱成功數出軍六月  
取安平鎮漳州及惠安南安同安三邑十一月清定遠大  
將軍庶子王入閩成功回島○十年正月庶子王略沿海  
攻兩島大敗而還六月朱成功將北略尅日解纜臨期部  
將黃梧賴明等陰降于清諸軍潰去甘輝聞亂進攻不勝  
遂從成功破閩安鎮逼福州○十一年三月帝在雲南鄭  
鴻逵卒于浯洲朱成功回島○十二年帝遣使航海晉朱

成功延平郡王甘輝崇明伯其他拜爵有差七月成功議  
大舉取南京部署諸將甲士十七萬習流五萬習馬五千  
鍊人八千號八十萬戈船八千揚颿北上至浙江攻樂清  
等州縣克之○十三年五月帝在永昌朱成功至崇明諸  
將請先取崇明為老營成功不聽七月至焦山謂諸將曰  
瓜鎮為金陵門戶須先破之授諸將機宜自督親軍進中  
提督甘輝左提督翁天祐等建大將旗鼓直擣瓜洲清將  
朱衣祚左雲龍等率滿漢騎兵一萬會戰成功麾軍大進  
右武衛周全賦率兵登岸直破清陣斬雲龍于橋下衣祚  
奔城正兵鎮韓其奪門而入登城樹幟全賦望之麾軍疾  
進陷西北隅以入搜殺清兵皆盡遂進取蕪湖亂揚子趣

鎮江壘于銀山清兵數萬萃而攻之不動駐騎射如雨成功令發火砲多鼓鈞聲廊瓦皆動清兵大北鎮江屬邑皆下成功乃令張煌言楊朝棟等招撫江南江北于是當州徽州池州太平滁和六合等州郡多欲附者蕪湖縣清守兵皆遁甘輝曰瓜鎮為南北咽喉但座鎮此斷瓜洲則山東之師不下南都不勞而定矣成功不聽率師登舟進取金陵檄四方八月舟至觀音門登岸軍於獅子山度營壘令將士分屯諸山成功屯岳廟甘輝曰夫兵貴先聲彼眾我寡擊其未定宜拔若彼集禦固君必悔之成功不聽輝退而告人曰吾不復此矣既而清兵薄前鋒營統領余新擊敗之遂輕敵無備成功聞之令人馳讓新猶如故清副

先甘  
見輝

將梁化鳳襲其營新不及甲倉皇出走遂就禽成功遣軍馳援已無及矣明日清兵出步卒擣中堅成功率親軍擊敗之清兵數萬從山後出薄左前鋒營將士轉戰三合三却遂敗走諸將萬禮林勝等皆陣歿成功麾軍急退爭舟而渡獨甘輝且戰且走至江騎能屬者三十餘人凡所擊殺數十百人馬躡被獲至城南金水橋余新方屈膝輝怒踢之戰手罵不屈死最烈十月成功還島祠忠臣廟以甘輝為第一曰吾早從甘輝之言不及此○十四年五月清將軍達素總督李率秦部令滿漢軍攻兩島朱成功自勦諸部扼海門傳令諸將碇海中流按軍不動清船連至諸軍倉卒受命莫敢先發清兵乘之副將陳克英等死焉東

朱成功  
取臺  
遷之

風盛猛清船既得上流成功自手旗起師引巨艦橫擊之  
 風吼濤立一海皆動北人不諳水眩暈不能軍僵屍布海  
 大敗而退竟成功之世無覆島者○十五年帝在緬甸未  
 成功自江南喪敗地蹙軍孤念帝蒙塵于外存亡不可知  
 第放天祐天復故事孤持正朔乃議取臺灣遷之臺灣為  
 土蕃部族在南紀之曲東倚層巒西迫巨浸北之雞籠城  
 與福州對峙南則河沙磯小琉球近焉周袤三千餘里孤  
 嶼環瀛相錯如繡物產之利畊耘並耦日用之需無所不  
 有固東南之一大聚落也鄭芝龍嘗居之未久而去荷蘭  
 人來盤踞其地諸將以險遠為難談極日而不決成功意  
 銳拔舵東甲遂行三月泊澎湖狗曰朕吾鷄首所鄉至鹿

朱成功  
改臺  
為安  
平鎮

耳門則水驟漲丈餘木小戰艦橫縱畢入紅夷大驚以為  
 自天而下成功以手加額曰此天所以哀孤而不委之壑  
 也天赦孤臣必有寧宇矣引兵登岸克赤嵌城荷蘭戰不  
 利退保王城○清主福臨殂是為世祖第三子玄燁嗣位  
 改明年為康熙元年十月棄鄭芝龍于獄市子孫在京者  
 皆戮之遷各省沿海邊界居民以絕接濟十二月朱成功  
 復攻王城因風縱火燒其夾板告之曰此地迺先人故物  
 珍瑤不急之物悉聽而歸地歸我兵始罷荷蘭乃降送之  
 歸國諸土酋皆受約束改臺灣為安平鎮赤嵌城為承天  
 府總曰東都縣曰天興萬年成功既聞清遷界令下嘆曰  
 使吾狗諸將意不自斷東征得一塊土英雄無用武之地

朱成起學官于灣

矣。沿海萬里盡委棄之。使甲廬廿墟墳墓無主。寡婦孤兒望哭天末。惟吾故之以。今雖披猖亦復何用。但收拾餘燼銷鋒灌燧。息兵休農。待天下之清未晚也。迺立興法。辟刑獄。起學官。計丁庸。養老幼。物土方。臺人大集。鄭氏遂安。○十六年。朱成功長子經居島。頗耽聲色。與乳媪通。生子成。功治家嚴肅。聞之大怒。遣使至島諭鄭泰監殺經。及經母董。以教兒不謹也。諸部大驚。又知成功病革。或亂命不從。謀保全。五月。延平郡王招討大將軍朱成功卒于臺灣。年三十九。臺人以其弟襲為講理。六月。成功赴至島。經嗣位。清靖南王耿繼茂遣人招諭。泰等議曰。先藩連年用兵。徒苦父老。東行之時。猶令權宜通好。今日當為桑梓計。請經

朱成卒功于灣

帝崩經朱奉稱永曆

經曰。吾將東。諸君善圖之。議。昭朝鮮事例。遣人通好。不報。十月。經帥師往臺灣。黃昭奉襲拒經。經射昭殪。眾遂巡稅甲。經遂入臺。收殺主謀者。餘寘不問。待襲如初。○十七年。清康熙二年帝崩于凍城。赴音至。朱經猶奉朔。稱永曆。始鄭泰潛結黃昭拒經。事露。經乃佯置酒。邀泰。縊殺之。泰子縉。弟鳴駿。亡歸清。將士先後歸清者多矣。于是清主銳意南掠。令將士分道疾進。經分部死士禦之。眾寡不敵。退守銅山。清兵入島。墮兩城。棄其地。收其寶貨。婦女而北。兩島之民爛焉。自是之後。親族兵將。木抵皆降于清。獨有陳永華。馮錫範等。及經還臺。大小庶事悉委永華。永華為政。頗雜儒雅。與民休息。改東都為東寧。分諸將土地。修菟裘。視無西

吳桂三  
清叛

意○十九年清康熙四年清令水師提督施琅攻臺灣船至外洋為颶風飄散不克而還○二十三年清康熙八年春清王遣人招諭朱經不從清亦不敢加兵經令其將往來島上互市○二十七年清康熙十二年十一月清平西王吳三桂據雲南四川貴州以叛○二十八年清康熙十三年三月清靖南王耿精忠據福建亦叛馳數騎傳檄七建皆下授提督王進功等將軍官勢威頗振遣使入臺請濟師四月清潮州總兵劉進忠以城降于精忠精忠調海澄總兵趙得勝兵得勝不從與將士議奉朱經經以陳永華為留守總制率侍衛馮錫範兵官陳繩武史官洪磊等渡海而西授得勝與明伯左都督自經東遷偃武息民兵甲鈍敝船不滿百軍不滿

萬精忠頗易之經遣人說精忠借漳泉二府為招募精忠難之于是耿鄭交惡五月經取同安清守將張學堯降精忠懼以都尉王進守泉州六月王進功子藩錫誘殺泉州城守賴王兵民多從藩錫者遂逐進納款于經經乃入泉州授藩錫指揮使盡委國事七月清兵圍潮州精忠不能救進忠亦納款于經經遣舟師援之以進忠為定虜伯前提督九月精忠命王進取泉州十月經命將士敗進于塗嶺追至興化而還吳三桂禮曹周文驥使經平耿鄭○二十九年清康熙十四年正月耿精忠遣使于朱經議和以楓亭為界五月右武衛劉國軒入潮州與左虎衛何祐及劉進忠兵數千人狗屬邑之未下者清平南王尚可嘉兵十餘萬

曾甫之月



盡銳來攻相持久國軒食盡議退守潮可嘉麾發騎晨掩  
 祐軍戰于鰲母山下祐以身先旗直貫驍騎出其左右國  
 軒繼之大敗清軍追奔四十餘里斬首二萬捕虜七千轉  
 藉死者徧滿山谷國軒威名震于南粵六月經帥諸將圍  
 漳州黃芳度芳度清海徵公梧子方經之至島陽為受命  
 陰通于清事泄於是經圍之芳度盡力防戰十月克之芳  
 度投井而死○三十年清康熙十五年二月清平南王尚之信降  
 于吳三桂三桂讓惠州于朱經劉國軒入踞之九月清兵  
 入閩耿精忠降其守將馬成龍以興化欵于經初精忠思  
 與鄭氏併力已而不協清擊其外鄭擊其內前後跋扈卒  
 至于敗○三十一年清康熙十六年正月趙德勝何祐拒清兵于

興化城下清兵縱反間祐疑得勝貳于清而不扶帥潰得  
 勝戰死興化遂陷泉漳二州亦潰朱經退入島六月劉國  
 軒棄惠州入島經以國事委國軒今年吳三桂病死○三  
 十二年清康熙十七年二月朱經授劉國軒中提督揚帆入鎮門  
 壁碧湖戰于赤嶺清總督即廷相等按兵漳上泉福潮三  
 州兵後先來援國軒數戰皆敗之遂取平和漳平圍海澄  
 六月清王以布政姚啓聖為總督趣諸軍援澄次葛布山  
 隔帶水相望而已圍中食盡城破提督段應舉自經清兵  
 自縊死者甚衆國軒軍威益熾遂取長泰同安七月乘勝  
 圍泉州八月清令兵五路赴期援泉州九月國軒帥二十  
 一鎮與清兵戰于龍虎山大敗亡師五千國軒尾所乘馬



死術  
節桂

輝等皆戰死。大小戰艦二百餘艘燒亡。餘衆多降于清國。軒知勢不敵，急乘走舸佚去。澎湖既陷，琅給降卒四千餘人，以饟米。傷未及死者，醫治送還。臺灣大震，寧靖王術桂自以明家，龍種義不可辱，迺具冠服，招臺人從容別飲，投環以死。臺人為流涕。八月，琅統舟軍至鹿耳門，國軒馮錫範、何祐等奉克塽迎降。克塽嗣位。二年，時年十五，琅禮待克塽及諸將帥，歸之燕京。清主授克塽漢軍公。至康熙三十九年，清主念朱成功明室遺臣，非吾亂臣賊子，特賜成功及子經歸葬南安。如田橫故事。

右明自太祖洪武元年戊申，至帝由榔永曆十七年癸卯，凡二十世，二百九十六年而亡。後鄭氏奉永曆。

正朔二十一年。通計三百十六年，而明曆盡。

增補元明史略卷之四畢

跋元明史略後

右元明史略一書者。吾友後藤子。續十八史畧而所輯錄也。蓋採諸舒弘諤之書。而旁及衆家。以補其逸。益其闕。參互考訂。始克成編。噫。亦可謂勤矣。夫紀載之浩瀚。節而傳之者多。雖然。或辭鬱而不暢。或事踈而不明。徃徃有之。但以幾千百載之事。能括乎數卷之間。鎔鑄貫穿。成一家言者。獨曾氏史略而止耳。今此書亦倣其體裁。則其於元明之事。雖本末纖悉。固有不備。然其大綱。足以可觀。而君之昏明。政之得失。臣之賢佞。誠可得而識焉。然則與曾氏史畧並駕於

海內使窮鄉晚進之士不博披史籍而通古今於旦暮者未必不藉是書也。豈亦為無補哉。刻新竣功將施于世。於是乎後藤子需題片言於卷末。余喜其書之成。遂跋而贈之云。

辛未之冬十二月日

東都 直學士藤原明遠

*神藏山蓋私語... 亦山則史初一書... 規下即史初對*

元明史畧補跋



春秋之書。宗華卑夷。法固嚴矣。

考其世蹟。周室式微。吳楚僭王。

於是孔子因舊史。纂修之典。

刑萬世。益以感傷。不可止也。往

高松儒臣芝山後藤氏據明徐弘  
謬古今全史作元明史畧三卷事  
甚簡明萃夷盛衰歷歷可徵  
實有益之書也哉藤欽若讀  
其書恨易畢篇取諸史策增

補之贅厘為四卷以來具學者其  
功可嘉夫後藤氏之作蓋有思  
春秋之典刑也欽若之補亦應  
非無所思也余今閱之則知孔  
子稱管仲之仁之意矣抑亦

夷狄有君。諸夏之亡。噫。

享和。辛酉仲秋日。

栗原野翁出巖垣彦明撰

内下... 益有思

蘇... 其



萬延庚申季秋三刻

京都書肆

御幸甲御池南

菱屋孫兵衛



